



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆ
ՈՍՏԻԿԱՆՈՒԹՅԱՆ ՊԵՏ - ՆԵՐՔԻՆ ԳՈՐԾԵՐԻ ՆԱԽԱՐԱՐԻ ՏԵՂԱԿԱԼ**

Հ Ր Ա Մ Ա Ն



ԹԻՎ 2500-ՆԿ

**ՈՍՏԻԿԱՆՈՒԹՅԱՆ ՄԱՅՈՐ ՄՀԵՐ ԴԱՎԻԹ
ՄՈՎՍԻՍՅԱՆԻՆ ԿԱՐԳԱՊԱՀԱԿԱՆ ՏՈՒՅԺ
ԿԱՐԳՈՎ ՀՀ ՆԳՆ ՈՍՏԻԿԱՆՈՒԹՅՈՒՆՈՒՄ
ԾԱՌԱՅՈՒԹՅՈՒՆԻՑ ԱԶԱՏԵԼՈՒ ՄԱՍԻՆ**

ՀՀ ՆԳՆ ոստիկանության ներքին անվտանգության վարչությունում իրականացված ծառայողական քննությամբ պարզվել է, որ ՆԳՆ ոստիկանության պետական պահպանության գլխավոր վարչության Վաղարշապատի պահպանության բաժնի ոստիկանության վաշտի հրամանատար, ոստիկանության մայոր Միեր Մովսիսյանը 2023թ. սեպտեմբերի 13-ից մինչև ծառայողական քննության ավարտն առանց հարգելի պատճառների, մեկ և ավելի աշխատանքային օրեր չի ներկայացել ծառայության և մեկնել է Հայաստանի Հանրապետության տարածքից:

Այսինքն՝ ոստիկանության մայոր Միեր Մովսիսյանը թույլ է տվել «Ոստիկանությունում ծառայության մասին» ՀՀ օրենքի 42-րդ հոդվածի 3-րդ մասի 6-րդ կետով նախատեսված կարգապահական կոպիտ խախտում:

Բացի այդ, Միեր Մովսիսյանը ոչ պատշաճ է կատարել իր գործառնության պարտականությունները, այն է՝ անփույթ վերաբերմունք է դրսևորել իր ծառայողական թիվ 12127 վկայականի պահպանման նկատմամբ, ինչի արդյունքում 2023թ. սեպտեմբերին՝ իրեն անհայտ պայմաններում, կորցրել է այն (քարտը, կաշվե պատյանը և կրծքանշանը):

Դրանով իսկ Միեր Մովսիսյանը խախտել է «Ոստիկանության ծառայողի ծառայողական վկայականի ձևը և տալու կարգը սահմանելու մասին» ՀՀ ոստիկանության պետի 2020թ. մարտի 2-ի թիվ 13-Լ հրամանի պահանջները:

Այսինքն՝ ոստիկանության մայոր Միեր Մովսիսյանը խախտել է «Ոստիկանությունում ծառայության մասին» ՀՀ օրենքի 20-րդ հոդվածի 1-ին մասի 1-ին կետի պահանջները, ինչով թույլ է տվել «Ոստիկանությունում ծառայության մասին» ՀՀ օրենքի 42.1-րդ հոդվածի 1-ին մասի 2-րդ կետով նախատեսված կարգապահական խախտում:

Ոստիկանության մայոր Միեր Մովսիսյանին կարգապահական պատասխանատվության ենթարկելու հարցը 2023թ. հոկտեմբերի 31-ին քննարկվել է ՀՀ ՆԳՆ ոստիկանության կարգապահական հանձնաժողովում, ինչի արդյունքում որոշում է կայացվել միջնորդել ՀՀ

ՆԳՆ ոստիկանության պետ-ներքին գործերի նախարարի տեղակալին՝ վերջինիս նկատմամբ կիրառել «Ոստիկանությունից ազատում» կարգապահական տույժը:

Ելնելով վերոգրյալից, հիմք ընդունելով «Ոստիկանությունում ծառայության մասին» ՀՀ օրենքի 42-րդ հոդվածի 1-ին մասի 8-րդ կետը, նույն հոդվածի 3-րդ մասի 6-րդ կետն ու ղեկավարվելով նույն օրենքի 43-րդ հոդվածի 6-րդ մասով, 45-րդ հոդվածի 1-ին մասի 6-րդ կետով, ինչպես նաև «ՀՀ ոստիկանության կարգապահական կանոնագիրքը հաստատելու մասին» ՀՀ օրենքով՝

ՀՐԱՄԱՅՈՒՄ ԵՄ՝

1. Կարգապահական կոպիտ խախտում թույլ տալու՝ 2023թ. սեպտեմբերի 13-ից մինչ ծառայողական քննության ավարտն առանց հարգելի պատճառների, մեկ և ավելի աշխատանքային օրեր ծառայության չներկայանալու համար՝ ՀՀ ՆԳՆ ոստիկանության պետական պահպանության գլխավոր վարչության Վաղարշապատի պահպանության բաժնի ոստիկանության վաշտի հրամանատար, ոստիկանության մայոր Միեր Դավիթի Մովսիսյանին կարգապահական տույժի կարգով ազատել ՀՀ ՆԳՆ ոստիկանությունում ծառայությունից:


2. Միեր Մովսիսյանին՝ վճարել ուսման համար պետության կողմից կատարված ծախսերը յոթնօրյա ժամկետում՝ 900005001293 հաշվեհամարին:

3. ՀՀ ՆԳՆ ոստիկանության պետական պահպանության գլխավոր վարչության պետ, ոստիկանության գնդապետ Գեորգի Այվազյանին՝

- հրամանի մասին սահմանված կարգով և ժամկետում տեղեկացնել Միեր Դավիթի Մովսիսյանին:

4. Հրամանը հայտարարել ՀՀ ՆԳՆ ոստիկանության բարձրագույն, գլխավոր, ավագ և միջին խմբերի պաշտոններ զբաղեցնող ծառայողներին:

ՈՍՏԻԿԱՆՈՒԹՅԱՆ ԳԵՆԵՐԱԼ-ՄԱՅՈՐ՝



Ա.Ա.ՀՈՎՀԱՆՆԻՍՅԱՆ

«07» նոյեմբերի 2023թ.
ք. Երևան